

Қазақстан Республикасы
Денсаулық сақтау министрлігі
Медициналық және



фармацевтикалық қызметті
бақылау комитеті Төрағасының

2014 ж. " 15 " 05

№ 357 бұйрығымен
БЕКІТІЛГЕН

Дәрілік заттың медицинада қолданылуы жөніндегі нұсқаулық

Климактоплан Н

Саудалық атауы
Климактоплан Н

Халықаралық патенттелмеген атауы
Жоқ

Дәрілік түрі
Таблеткалар

Құрамы

Бір таблетканың құрамында

белсенді заттар: Cimicifuga trit. D2 – 25.00 мг, Sepia trit. D2 – 25.00 мг, Ignatia trit. D3 - 25.00 мг, Sanguinaria trit. D6 – 25.00 мг; *қосымша заттар:* лактоза моногидраты, бидай крахмалы, магний стеараты.

Сипаттамасы

Жалпақ цилиндр пішінді, ойығы бар, кейде аздап теңбілді, сұр түсті (Pantone каталогы бойынша коды «жылы сұр 2U») таблеткалар.

Фармакотерапиялық тобы

Гинекологиялық ауруларды емдеуге арналған басқа да препараттар
АТХ коды G02CX

Фармакологиялық қасиеттері

Климактоплан Н құрамында төрт гомеопатиялық монопрепарат бар, олардың әрқайсысы әйел организмiне, әсіресе климактериялық кезеңде белгiлi бiр әсер бередi.

Cimicifuga гипоталамуска әсер етiп, ыстық тебулерге, жүйкенiң қозу жағдайына және депрессияға ерекше ықпалын тигiзедi.

Seria бүйрек үсті бездері қыртысының, жыныс ағзалары және гипофиз гормондарының біріккен қызметін реттейді. Ignatia секілді Seria да ең әуелі психикаға әсер етеді, алайда ол терлеу ұстамасына, ысынуларға, бас ауыруға және әлсіреу жағдайына әсер етеді. Sanguinaria беттің қызаруымен және жүрек соғуының жиілеумен қатар жүретін ысынулар кезінде, сондай-ақ бас сақинасы түріндегі бас ауыруларда өте тиімді. Климактоплан өзінің құрамындағы спецификалық ингредиенттердің үйлесуінің арқасында климактериялық кезеңге тән шағымдардың көп компонентті кешенін емдеуге арналған дәрілік зат болып табылады. Климактоплан жақсы көтерімді болғандықтан оны ұзақ уақыт бойы қолдануға болады.

Қолданылуы

Төмендегілермен қатар жүретін климактериялық синдромда:

- ысынулармен
- тер шығудың күшеюімен
- жүрек соғуының жиілеуімен
- бас айналуымен
- қышынумен
- жүйке ширығуымен
- ұйқының бұзылуымен
- күйзелістік жай-күймен
- жүйке қозғыштығымен

Қолдану тәсілі және дозалары

Күніне 3 рет 1-2 таблеткадан тамақтанудан жарты сағат бұрын немесе жарты сағаттан кейін, оларды ауыз қуысында баяу сора отырып, қабылдау керек.

Жақсару болмаған жағдайда дозалау режимі қайта қаралуы тиіс. Егер қажет болса, таблетканы аздаған су мөлшерінде ерітуге болады.

Жағымсыз әсерлері

Өте сирек (<1/10 000) немесе белгісіз (жиілігін қолда бар деректер бойынша бағалауға болмайды):

Аса жоғары сезімталдық реакциялары туындауы мүмкін. Мұрыннан қан кетуі, етеккір қан кетуінің қайталануы, немесе етеккір қан кетуінің жиілігі артуы ықтимал.

Қолдануға болмайтын жағдайлар

- препарат компоненттеріне жоғары сезімталдық

Дәрілермен өзара әрекеттесуі

Осы уақытқа дейін анықталмаған.

Айрықша нұсқаулар

Гомеопатиялық дәрілерді қолданған кезде бар ауру симптомдарының уақытша нашарлауы (бастапқы нашарлау), қосымша шағымданулар туындауы мүмкін. Мұндай жағдайда Климактоплан Н қабылдауды тоқтатып, дәрігермен кеңесу қажет.

Препарат құрамында лактоза бар, сондықтан оны лактаза жеткіліксіздігі, галактозаны көтере алмаушылығы және глюкоза-галактоза мальабсорбциясы бар емделушілерде қолданбаған жөн.

Препарат құрамында бидай крахмалы бар. Бидай крахмалының құрамында глютен бар, бірақ өте аз ғана мөлшерде болады, сондықтан препарат глютенге сезімтал целиакиямен зардап шегетін емделушілерге қауіпсіз деп саналады. Бидайға аллергиясы бар емделушілердің (целиакиядан айырмашылығы бар) бұл дәрілік препаратты қолданбағандары жөн.

Жүктілік және лактация кезеңі

Жүктілік кезінде және лактация кезеңінде пайда-қауіп арақатынасын объективті бағалауды ескере отырып, дәрігермен кеңескеннен кейін ғана препаратты қолдану керек.

Көлік құралын немесе қауіптілігі зор механизмдерді басқару қабілетіне әсер ету ерекшеліктері

Әсер етпейді

Артық дозалануы

Байқалмаған

Шығарылу түрі және қаптамасы

20 таблеткадан поливинилхлоридті үлбірден және алюминий фольгадан жасалған пішінді ұяшықты қаптамаға салынған.

5 пішінді қаптамадан медицинада қолданылуы жөніндегі мемлекеттік және орыс тілдеріндегі нұсқаулықпен бірге картон пәшкеге салынады.

Сақтау шарттары

Құрғақ жерде, 15°C-ден 25°C-ге дейінгі температурада сақтау керек. Балалардың қолы жетпейтін жерде сақтау керек!

Сақтау мерзімі

5 жыл

Жарамдылық мерзімі өткеннен кейін қолдануға болмайды.

Дәріханалардан босатылу шарттары

Рецептісіз

Өндіруші және тіркеу куәлігінің иесі

Дойче Хомеопати-Унион ДХУ-Арцнаймиттель ГмбХ & Ко. КГ
Оттоштрассе 24, 76227 Карлсруэ, Германия.

Қаптаушы ұйым

Доктор Вильмар Швабе ГмбХ & Ко. КГ

Wilmar-Schwabe-Str. 4, 76227 Карлсруэ, Германия.

**Қазақстан Республикасы аумағында тұтынушылардан өнім (тауар)
сапасына қатысты шағымдарды қабылдайтын ұйымның мекенжайы**

«Альпен Фарма» ЖШС

Алматы қ., Жетысу-2 ы/а, 80 үй, 54 пәтер

Тел./факс + 7 727 2265306

E-mail: info.kazakhstan@alpenpharma.com